



Republic of the Marshall Islands

Naan In Keeañ

Kōjjeļā Ñan Aolep Kōn Juon Iien Idiñ Ilo Epjā

ĀINWŌT KE, Naan in Keeañ eo eaar Kwaļok ke ewōr juon Idiñ kōn an kar bwil jet mōn peejneį ak mōn wia, im imōn jokwe ilo Epjā, Kuwajleen ilo kar 6 raan in Juun, 2026;

ĀINWŌT KE, ro rej jokwe Epjā eņ im ro rej jokwe im epaake kijeek eo, raar pukot mejļan aer kadikļok im kune kijeek eo;

ĀINWŌT KE, ro raar jipaņ im bōk koņaer bwe en ejjeļok eņ ejorrāan im mej jān wāween in, ak ruo imōn wia (business) im roñoul-ruo imōn jokwe raar bwil im jako, im elōñļok jān 100 iaan armeį ro ilo bukwōn eo im kiiō ejjeļok aer jikin jokwe;

ĀINWŌT KE, Kien eo ioļap ej lo ke ej juon menin aikuį eo eaorōk bwe Kien eo en bōk koņaan ñan kōmeraikļok eddo in epen im kabbūromōjmōj eaar waļok jān kijeek eo;

KŌN UN KEIN, KIIŌ Cabinet eo eaar kwelok ilo Juun 8 raan eo, 2026, ñan koweeppane Naan in Keeañ in.

KŌN NAAN IN KEEAÑ IN, Cabinet eo emōj an kōjejjēt bwe maroņ ko an ñan iien idiñ ko, iumwin Disaster Risk Management Act eo, 2023, im kōn un in, ña, Hilda C. Heine, ilo etan Cabinet eo, emōj aō likūt eļtan peiū im tilmaake Naan in Keeañ in.

NAAN IN KEEAÑ IN enaaj bōk jikin mae iien ejemļok 90 raan, ālikin raan eo emōj kajejjēt kūtien, ijellokin wōt (1) ñe Cabinet eo enaaj kaaetokļok, ñe ejjab, (2) ñe Nitijeļā enaaj kōjemļok kūtien keeaņ in kōn juon Pepe (Resolution).

KŌN MĀLIM IM UN KEIN:

- I. Cabinet eo emaroņ kabōjrak (aolepān ak jet wōt mōttan) karōk ko jān jabdewōt Kakien eo emōj koweeppane jān ippān Nitijeļā eo im ej kōllaajrak kakien ko ñan kilen kōmman peejneį ko an kien, ak orders, rules, im regulations ko an jabdewōt opij ko an Kien, ñe, ilo aer naaj loore, enaaj kar (ilo jabdewōt wāween) kabōjrak, kaapaņpaņ, ak kōrumwij makūt kūt ko remenin aikuį.
- II. National Disaster Council eo enaaj kōmman an jikeejuļ in kwelok im etali wōnmaanļok ko, im etale ewi wāween aer kōjeļlaak menin aikuį ko im kijeek in eaar jelōti, ilo aer jermal ippān Kwajalein Atoll Local Government (KALGOV) eo im Kwajalein Atoll Disaster Committee (KADC) eo.



III. Disaster Coordinator eo emaroñ bōk eddo ko an ekkar ñan Section 119(4)(b) eo an Disaster Risk Management Act 2023 eo.

IV. Naaj bar kōmālim Jerbal im Eddo ko jet an Ministry, Agency, im Opij ko an Kien:

A. Ministry eo an Finance, Banking im Postal Services

- i. Jerbal ippān Ministry eo an Foreign Affairs im Trade ñan pukot iaḷan jāān ko repād kadede im ko remaroñ kōjerbali; im
- ii. Ejaake juon koṇ (Memorandum of Understanding) ippān KALGOV ikijjien jāān ko aer ñan jipaṇ ilo iien idiñ ko.

B. Ministry eo an Foreign Affairs im Trade

- i. Jerbal ippān National Disaster Council eo im Ministry eo an Finance, Banking im Postal Services eo kōn juon wāween eo ekkar.


C. Ministry eo an Public Works, Infrastructure, im Utilities

- i. Ilo an naaj jermal ippān KALGOV im KADC eo, enaaj aikuj kōmman juon jermal in etale ewi joñan jorrāān ko raar waḷok jān kijeek eo, im ejaake juon laajrak in oṇāān ko (cost estimate) ñan men ko rejako ak jorrāān ilo imōn jokwe ko.

D. Opij eo an Chief Secretary eo

- i. Kappe eo an National Disaster Council eo bwe en jermal ippān KALGOV im KADC eo ñan jipaṇ er;
- ii. Kwaḷok ñe ewōr meḷeḷe kāāl im kapilōk ko rōmman ñan Cabinet eo bwe en kōmman an pepe im karōk ko jet;
- iii. Jipaṇ Ministry eo an Finance, Banking im Postal Services eo im Ministry eo an Foreign Affairs im Trade eo ilo aer pukot iaḷan jāān in jipaṇ im kein jermal ko; im
- iv. Likūt Naan in Keeañ in im tilmaake ñan armej in Aelōñ Kein.

Emōj karōke iumwin eḷtan peiū ilo  raan in Juun, 2026


Hilda C. Heine, Ed.D.

President